

**SESIÓN EXTRAORDINARIA DA COMISION INFORMATIVA DE
ECONOMÍA, FACENDA, EDUCACIÓN, DEPORTES, PROMOCIÓN
ECONÓMICA E EMPREGO DE DATA 12 DE ABRIL DE 2010**

No salón de sesións da casa do Concello de Cambre, ás trece horas e trinta minutos do día 12 de abril de dous mil dez, reúnen-se en sesión extraordinaria e primeira convocatoria, os membros da Comisión Informativa de Economía, Facenda, Educación, Deportes, Promoción Económica e Emprego que a continuación se relacionan, segundo se deriva da acta da sesión extraordinaria da corporación municipal de data 2 de febreiro de 2010.

Asistentes:

- | | |
|---------------------------|--|
| Presidente: | <ul style="list-style-type: none">• Don Jaime Manuel López Lisnier, do PSdeG-PSOE |
| PSdeG-PSOE: | <ul style="list-style-type: none">• Dona Carmen Tato Lago• Dona M^a Ángeles Míguez Mouzo |
| PP: | <ul style="list-style-type: none">• Don Felipe Andreu Barallobre• Don Nicolás José Cubeiro Martínez• Don Santiago Manuel Ríos Rama |
| BNG: | <ul style="list-style-type: none">• Don Antón Otero Domínguez• Don Henrique Xabier Iglesias Oviedo |
| EU-IU: | <ul style="list-style-type: none">• Don Juan Antonio Fernández López |
| GM (PG): | <ul style="list-style-type: none">• Don Manuel Marante Gómez |
| Concelleira non adscrita: | <ul style="list-style-type: none">• Dona M^a Beatriz Ramos Padín |

Faise constar que están presentes os señores concelleiros dona Erundina Prado Arcay, do PSdeG-PSOE; dona M^a Jesús González Roel, do PP; dona Gumersinda Becerra Montes e dona Laura Fernández Martínez, do BNG; e don Luis Miguel Taibo Casás, de EU-IU.

Asiste dona M^a Irache Enríquez Albaina, interventora, e dona Verónica María Otero López, como secretaria accidental da corporación.

A continuación, examinouse o asunto incluído na orde do día da convocatoria.

Orzamentos xerais para o exercicio 2010

Vista a proposta de Alcaldía de data 5 de abril de 2010.

Don Jaime Manuel López Lisnier explica a proposta de orzamentos que se trae para ditame da comisión informativa.

Concedida a palabra a don Luis Miguel Taibo Casás, de EU-IU, pregunta por que non se tivo en conta a proposta que fixo o seu grupo para reducir o importe das asistencias e das axudas de custo dos cargos públicos, así como a redución das dedicacións exclusivas e parciais.

Tamén pregunta pola partida para a obtención de terreos e a creación dun área recreativa para os veciños na parroquia de Cela, e pola partida para as sendas peonís en Pravio e Apeadeiro, que non aparecen no borrador de orzamentos.

Don Jaime Manuel López Lisnier contesta que sobre os terreos para unha área recreativa na parroquia de Cela se completa a partida cubrindo o custo total.

En canto ás asignacións aos concelleiros, trátase dun acordo que foi adoptado polo pleno da corporación en sesións extraordinarias de data 10 de xullo e 22 de agosto de 2009, e xa naquel momento se acordou que se cobrase menos.

Conclúe dicindo que para os terreos das sendas peonís de Pravio hai 93.000 euros e para Apeadeiro 100.000. Son proxectos afectados de anos anteriores, de incorporación obrigatoria.

Concedida a palabra a don Manuel Marante Gómez, do GM (PG), pregunta se na proposta que hoxe se presenta hai algunha modificación respecto do borrador que no seu día entregaron aos distintos grupos da oposición.

Don Jaime Manuel López Lisnier contesta que non.

Concedida a palabra a dona M^a Beatriz Ramos Padín, concelleira non adscrita, manifesta o seu malestar porque non houbo reunións cos concelleiros da oposición para formular propostas, a pesar de que moitas delas xa se reclamaron aquí.

Concedida a palabra a don Nicolás José Cubeiro Martínez, do PP, manifesta a súa disconformidade coa forma de proceder que se seguiu, xa que polo menos co seu grupo non se reuniron para tratar nin negociar nada.

Don Jaime Manuel López Lisnier contesta que iso ven motivado porque xusto o día despois de entregarlles o borrador, apareceron os datos no xornal, e iso non lle pareceu ético.

Don Nicolás José Cubeiro Martínez volve reiterar o seu desacordo coa forma de actuar do equipo de goberno, que non considerou nin sequera a posibilidade de facer unha reunión formal para debater o tema.

Sometido o asunto a votación ordinaria, votan a prol os tres concelleiros do PSdeG-PSOE e os dous concelleiros do BNG, e votan en contra os tres concelleiros do PP, o concelleiro de EU-IU, o concelleiro do GM (PG) e a concelleira non adscrita.

A comisión, por seis votos en contra, ditamina desfavorablemente a seguinte proposta de acordos ao pleno da corporación:

Primeiro: Aprobar inicialmente o Orzamento Xeral do Concello de Cambre para 2010, que ascende a un importe de 17.037.632,28 euros, co seguinte resumo por capítulos:

CAPÍTULO INGRESOS	TOTAL	CAPÍTULO GASTOS	TOTAL
OPERACIÓNS CORRENTES		OPERACIÓNS CORRENTES	
1 IMPOSTOS DIRECTOS	4.908.779,88	1 GASTOS DE PERSOAL	5.878.577,64
2 IMPOSTOS INDIRECTOS	400.000,00	2 GTOS. BENS CTES. E SERV.	6.115.775,82
3 TAXAS E OUTROS INGRESOS	2.841.512,00	3 GASTOS FINANCEIROS	205.152,91
4 TRANSFERENCIAS CORRENTES	6.128.001,54	4 TRANSFERENCIAS CORRENTES	1.034.165,78
5 INGRESOS PATRIMONIAIS	137.927,23		
Total Operacións Correntes	14.416.220,65	Total Operacións Correntes	13.233.672,15
OPERACIÓNS DE CAPITAL		OPERACIÓNS DE CAPITAL	
6 ALLEAMEN. INVESTIMENTOS REAIS	0,00	6 INVESTIMENTOS REAIS	3.158.852,50
7 TRANSFERENCIAS DE CAPITAL	2.017.304,00	7 TRANFERENCIAS DE CAPITAL	41.000,00
8 ACTIVOS FINANCEIROS	10.217,22	8 ACTIVOS FINANCEIROS	10.217,22

9 PASIVOS FINANCEIROS	593.890,41	9 PASIVOS FINANCEIROS	593.890,41
Total Operacións de Capital	2.621.411,63	Total Operacións de Capital	3.803.960,13
TOTAL INGRESOS	17.037.632,28	TOTAL GASTOS	17.037.632,28

Segundo: Aprobar as bases de execución do Orzamento para 2010.

Terceiro: Anular as seguintes modificacións de crédito efectuadas sobre o orzamento prorrogado, ao estar incluídas nos créditos e previsións iniciais do orzamento:

- 1.- Expediente de xeración de crédito número 1/2010. Importe: 15.609,40 euros. Motivo: Compromiso achega da Deputación Provincial para o financiamento do programa “Urbanismo en red”.
- 2.- Expediente de transferencia de crédito número 1/2010. Importe: 26.000,00 euros. Motivo: Habilitar crédito suficiente para o desenvolvemento do X Plan municipal de formación.
- 3.- Expediente de transferencia de crédito número 2/2010. Importe: 37.361,80 euros. Motivo: Habilitar crédito suficiente para a selección de funcionarios interinos, en servizos sociais.
- 4.- Expediente de transferencia de crédito número 3/2010. Importe: 2.662,20 euros. Motivo: Habilitar crédito suficiente para asistencia técnica expediente contratación rede WIFI municipal.

Cuarto: Expoñer ao público o anuncio de aprobación inicial por prazo de quince días hábiles mediante anuncio no boletín oficial da provincia e no taboleiro de edictos do Concello, para os efectos de que os interesados poidan examinalo e efectuar as reclamacións ante o Pleno, que consideren oportunas.

No caso de que non se presentasen reclamacións considerárase definitivamente aprobado o Orzamento Xeral do Concello para o 2010.

E non habendo máis asuntos que tratar, o señor presidente levantou a sesión cando son as trece horas e cincuenta minutos, do que eu, secretaria accidental, certifico.

O presidente

A secretaria accidental

Jaime Manuel López Lisnier

Verónica María Otero López